

嘉慶松江府志

松江府志卷八十一

拾遺志

前志之例於末卷各立遺事一門畫品詩評頗資談助齊諧諾皋未免闕入律以掌故似不當詳茲編所載皆前門未經附入及成書後別有來輯者略依門目彙爲拾遺其中典章制度而外嘉言懿行人物爲多用前志之例而稍別之者恐書之不勝其書也志拾遺

歷代帝王之書見於前志者宋高宗批答辭免刑部侍郎衛膚敏詔俱大字手書王逢題詔後曰皇覽題手詔於

昭日月朗大禹舍皋陶欽恤義誰廣巍巍白雲司濯濯
金莖掌孝宗賜錢良臣雲漢昭回之閣在春宮時書後
良臣以歸靜安寺元文宗書奎章閣碑藏太史楊瑀家
王逢題碑後云先皇龍鳳姿談笑夷內難萬方賀清寧
人文割昭煥奎章崇延閣天藻發宸翰字畫擬庖犧贊
詠缺姬旦璇霄麗日月華露濯河漢流腴蓬萊池垂耀
鳩鵲觀今王廣舊制碑本無點竄璽封賜臣瑀是豈耳
目玩爲爾忠義心可與金石貫蟲蛇深禹穴蟬蚋飛簡
汗寶藏風塵外永夜卿雲爛相逢感白頭展卷復三歎
游儵懷故淵老驥戀餘棧誰昔侍經筵流連亡筆諫又

御書山房二字賜楊瑀明太祖有賜朱芾詩宣宗賜沈
度沈粲詩賜徐樞詩世宗賜徐階二劄賜和孫承恩瑞
雪詩莊烈帝賜董象恆手書楹帖十字

疆域志拾遺

元史地理志每行中書省下爲路若干屬府若干府若干
蓋元時府有隸路不隸路之分故以屬別之江浙等處
行省爲路三十府一州二府一者卽松江府州二者爲
江陰鉛山據此則松江府元時已不隸嘉興路徐碩撰
至元嘉禾志在前故嘉興路下有松江府

秦定改元府治春帖云官清瑩徹三江水民樂和薰兩縣

春或云如何不見府明年罷府立都水庸田司使

郭志

裏南城巷在集賢坊北外南城巷在集賢坊南顧志載縣城廢不可攷惟此二巷猶以城稱

山川志拾遺

大清一統志茶山在上海縣東南大海中海防攷云山在南隄巡司界浙江之海鹽定海諸山相連絡今攷其地當與馬蹟花鳥諸山並非府境所轄

湖泖之水皆發源蘇之太湖故每風自西北來則水患暴溢治水者惟濬吳松江入海濬白茅以入大江太湖之勢分則松無水患夏忠靖公嘗試之矣正德辛巳冬季

司空充嗣復濬二水動三郡之衆費巨萬當時頗有誦
者今十餘年雖雨決旬而無大患皆其力也司空四川

內江人

述

通海易塞海難請君反復思兩端雨暘愆期致撈乾此與
時政還相干人力回天亦良艱惟是築堤護圩田此策
若舉人心安單舸寡從相周旋東西徧閱陌與阡佚道
使民省笞鞭低者增築令高堅破者補澗令完全可以
蓄洩防未然道元水經有本源守敬議論非腐酸前元
特設水監官仁發姓任號月山此老水利亦精專今君
奇胸萬卷蟠取用不竭如淵泉縱橫曲直珠走盤但厚

民力毋傷殘眼前活法人所便古人陳迹亦蹄筌吾君
吾相聖且賢將舉廢墜起陂偏和氣充塞位兩間堯水
湯旱非所患側聞西潭過高軒移時不出吏候門方且
索我詩稿看感君西臺舊歲寒不惜千里披心肝此西
潭陳公章寄祝水部詩也宏治甲寅工部徐侍郎貫治
水江南議開白茅港洩水于海時西潭貳瑞州聞而寄
之錄補一說

海故述

山東未息馬山西尙揮戈急起州縣兵北開白茅河海風
裂面天雨雪山高水深不見月萬人鑿土如鑿山河邊
死者誰收骨白茅河成如白虹百里直與昆城通將軍

不待驅鬼工平地遂作魚龍宮問誰愛民如愛子華亭
盛侯古莫比昔去今還悲復喜非汝身為白茅鬼盛之
德河之水千古萬古流無已此清江貝公瓊贈盛彥忠
白茅歌也彥忠廣陵人元末年爲華亭丞

松故述

靈樞歲露篇月滿則海水西盛月郭空則海水東盛抱朴
子海濤噓吸隨月消長潮者據朝來也汐者據夕至也
月之精生水故月盛則潮大從其類也甲日乙夜日月
差互月差十三度有奇日差遲月故濤不及期一晦一
明再潮再汐一朔一望載盈載虛一春一秋再漲再縮
蓋天動地應約爲差率十三度一寒一暑後歲期是故

日至之期建子午寒暑之大建丑未月周之期極朔望
潮汐之期極朏魄凡潮汐之期也一日之期期日中在
陰日加子在陽日臨午盈虛之期也一月之期期月極
在陽期於朔在陰期於晦漲濤之期也一歲之期期河
漢在陽期析木在陰期大梁顧炎武日知錄引白居易
詩早潮纔落晚潮來一月周流六十回自是北人未諳
潮信杭州之潮每月朔日以子午二時到每日遲三刻
至望日則子潮降而爲午午潮降而爲子以後半月復
然故大月之潮五十八回小月則五十六回無六十回
也月之麗天出東八西大乃二十九回小月二十八回

亦無三十回也吾邑潮候吳松江口最早黃浦次之郡城又次之郡城與杭州同潮水所入遠近同也先時潮汐由吳松口入朔望以子午爲信自李家洪之決海內徒遂早數晷向來大汎竝無潮頭近五六年來愈南愈大繫纜不謹每有傾覆之患故潮候尤不可不知攷宋元以來潮候嘗官榜於亭以便行旅舊志向未備載今特補錄便推測焉

上海志

吳松江潮候

初一

辰末

初二

巳正

初三

巳末

初四

午初

初五

子正

初六

子末

初七

丑初

初八

丑正

初九寅申初

初十寅申正

十一寅申末

十二酉卯正

十三酉卯末

十四戌辰初

十五戌辰正

十六戌辰末

十七亥巳初

十八亥巳末

十九午子初

二十午子正

二十一午子末

二十二未丑初

二十三未丑正

二十四寅申初

二十五寅申正

二十六寅申末

二十七酉卯正

二十八酉卯末

二十九戌辰初

三十戌辰正

黃浦潮候

初一巳亥正

初二巳亥末

初三午子初

初四午子正

初五午子末

初六未丑正

初七未丑末

初八寅申正

初九寅申末

初十酉卯正

十一酉卯末

十二戌辰正

十三辰未

十四巳初

十五巳正

十六巳末

十七子初

十八午正

十九子末

二十丑初

二十一未正

二十二未末

二十三寅正

二十四寅末

二十五卯初

二十六卯正

二十七卯末

二十八辰初

二十九辰末

三十辰末

黃浦潮候分四時表

吳松江潮候準此早三刻可以類推表中但列十二時初正末

而不列刻數蓋潮水從東北來東北風大則潮早西南風大則潮遲是又不可以刻分泥也

春秋

夏

冬

初一十六

巳正大

巳初大

巳正大

初二十七

巳末大

巳末大

巳末大

初三 十八

午初大
亥末

午初大
亥末

午初大
亥正

初四 十九

午正
子初大

午末
子初大

午正
亥末大

初五 二十

午未
子正下岸

午末
子正下岸

午末
子初下岸

初六 二十一

未初
子未漸小

未初
子未小

未正
子未漸小

初七 二十二

未正
丑初漸小

未正
丑初小

未末
丑初小

初八 二十三

未末
丑末漸小

未末
丑正小

申初
丑末小

初九 二十四

申正
寅初小

申初
酉末小

申正
寅初小

初十 二十五

寅末
申末交澤

寅初
申正交澤

寅末
申末交澤

十一 二十六

卯初
酉初起水

寅末
申末起水

卯初
酉初起水

十二 二十七

卯末
酉末漸大

卯初
酉初漸大

卯末
酉正漸大

十三 二十八

辰初 酉末 漸大

卯末 酉正 漸大

辰初 酉末 漸大

十四 二十九

辰末 戌正 漸大

辰初 酉末 漸大

辰末 戌初 漸大

十五 三十

巳初 戌末 大

辰末 戌初 大

巳末 戌正 漸大

徐光啓農政全書 潮候訣 午未未申申寅寅卯卯
辰辰巳巳午午半月一遭輪夜潮相對起仔細與君
論 十三二十七名曰起水是為大汛各七日二十
初五名曰下岸是為小汛亦各七日 諺云初一十
半午時潮又云初五二十夜岸潮天亮白遙遙又云
下岸三潮登大汛 凡天道久晴水亦不長諺云晴
乾無大汛雨 落無小汛

唐陸南金治勤築隄為湖未知州李彝庚葺為六梁四插

治平中立祠湖上之青山賜號嘉澤廟追封南金為孚

佑侯彝庚為惠應侯

宋志

明成化中巡撫畢公亨議築海塘以砥水勢凡江浙沿海
隄塘皆吳南崖詔策也中丞欲題授一官南崖固辭不
受正德己巳積雨旬日百川橫潰瀕海皆成巨浸塘外
水勢甚下爲塘所域不得出南崖議開塘數處暫寫暴
水以活沿海之民寓書太守翁公理後附一詩云怪雨
顛風苦不休怒濤連陸海雲浮萬家瓦屋皆沈竈何處
弦歌獨倚樓肉食可無謀國意布衣徒切爲時憂生平
許國心常在白髮平添此夜愁翁以中二聯爲含譏刺
遂寢其策後接同年周給事書知寧紹二府以暫開海
岸小民得生翁甚悔之

金山志

嘉靖閒松江水利通判許贊通道經吳松江口見人聚觀
一古墓浮動許令一吏至墓旁讀石刻云易卜吉龜卜
凶五百年後水來衝松江水利許贊通扶我過橋東許

遂爲移葬

五茸志逸

吳松久溼童謠云要開吳松江須等海龍王人謂其工難
成隆慶中巡撫海公議開濬時董其事者蘇州推官龍
宗武松江府同知黃成樂也兩月不雨遂奏功又有得
一龍江水通之讖蓋指嘉定龍遵敘也

郭志

隆慶初開吳松江久無功及海忠介至吏請爲行署於江
之北岸公素儉樸而命擇所居務深窳人卒不解詰旦

略出巡視卽召二千戶一主簿入數其不職斬之席藁埋廳事後萬衆駭愕并力疏鑿閱月而畢而三人故無恙發其所埋悉是大豕人以是服公權

郭志

治河莫難於運土許公濬河時造舟募工擇無業荒灘棄之每舟給與印票書所載土及傭直之數運畢驗票給直故河旁無留土久而通利其灘積高遂以葬無主之喪起果寺兩廊旅櫬累百一旦盡空父老至今能言之

建置志拾遺

明歸有光松江新建行省頌其文載集中略曰近者朝廷以東南財賦事重設山東行省於蘇州以藩屏重臣分

司圻甸自此始嘉靖閒翁侯實來蒞任適上海有倭寇之警公敏歷中外望實俱隆簡在帝心時松江華亭被寇尤劇詔俾公移治焉以今考之疑卽上海都憲行臺也

歸震川集

海鹽縣志載顧相公廟在雅山東麓神爲松江上海人有伏虎之異因塑一虎於案旁最著靈驗香火特盛門外兩沙樸樹大數抱不知何年物

九山逸事

明時二十保吳家衛地方有虎患張某力擒之人情始安沒後里人思其德爲之立廟稱張相公殿香火極盛廟

中并設一虎焉

上海志

魏璠盛時松郡諸生周宏璧建祠白龍潭北乞陳繼儒爲
文繼儒曰公等爲魏公建祠蓋欲得其歡心也魏公雖
功業蓋世要其心性不離內相所喜者達官貴人耳若
以布衣從事彼且以爲輕之嗚然怒矣無論老夫不可
卽如董思白一代文人官亦不小然屏居林下在魏公
視之不過一冠帶山人耳君亟於在朝卿相中擇魏公
所厚者而請之庶博解頤不負盛舉宏璧大喜曰非先
生幾誤乃專人謂徵君有詞思白賴之

南吳
舊語

方正學祠有董宗伯陳徵君碑記載遺孤事甚詳橫雲山
人集中以爲正學絕無後未知所據然考謝文肅鐸詩

云欲向西風酌一尊乾坤何處著英魂百年事過風前
燭千古名傳海上村香火半龕誰地主孫枝一葉是君
恩夕陽滿地傷心淚付與江流自吐吞曰海上村曰孫
枝一葉則正學當有遺孤在松此詩在未歸宗以前似
非僞撰吾學錫弇州集幽奇錄竝載其事

遜志齋
筆記

明華亭訓導邵繼稷號五泉富陽人祀名宦祠康熙十八
年其曾孫嘉來督學政出已貲買婁縣田十畝畀華亭
學宮供歲時祭祀後漸沒其入祀遂廢雍正中所置田
析入金山學宮與華亭遞登其入祀輒如故春秋祇奉
行編祭而已嘉慶元年教諭王芑孫求得嘉所刻石爲

文以祀三年與金山訓導方玉垣各以租入羨餘飾木
主新祠宇芭孫有記

田賦志拾遺

吳任臣十國春秋吳越忠懿王世家內載漢乾祐二年募
民能墾荒田者勿取其稅由是境內無棄田或請糾遺
丁以增賦俛杖之國門又置營田卒數千人於松江闕

土而耕

元注一云吳越時開墾田土修理水利米一石
錢不過數十文按宋高宗時知揚州魏公武言

吳越墾荒田而不加稅故無曠土此可知穀賦之由又
按吳越每身錢三百六十是丁錢又最重矣未審孰是

江景防字漢臣常山人事忠懿王官侍御史當五代時吳
越以一隅捍四方費用無藝其田賦市租山林川澤之

稅悉加故額數倍宋既平諸國賦稅恆仍舊籍以爲斷
忠懿王入朝景防以侍從當上圖籍歎曰民苦苛斂久
矣使有司仍其籍民困無已時也吾寧以身任之遂沈
圖籍於河詣闕自劾所冒亡失狀太宗大怒欲誅之已
而謫沁水尉屏居田里卒未幾太宗命右補闕王永均
吳越田稅舊率畝稅五斗永更定爲一斗其減稅之由

人謂實兆端於景防沈籍云

十國春秋

宋謝諤字昌國新喻人紹興二十七年進士知袁州分宜
縣丁憂服闋除幹辦行在諸司糧料院尋擢監察御史
奏減袁州分宜及秀州華亭月椿錢

元下沙瞿霆發嘗爲兩浙運使延祐中括民田其家有當
役民田二千七百餘頃并佃官田共及萬頃浙西有田
之家無出其右又宋兵部侍郎休寧金安節嘗提刑浙
江其後萬祿昆弟寓居漢成里贊雄於鄉人呼爲田里

金孝子子安卽田里派也

陳志

明洪武乙丑丙寅丁卯江南水旱三年無收松江尤甚飢
民至食其子而官府徵糧不已百姓作詩傷時事云慚
爲乞丐恥踰牆難過迢迢白日長不免鬻妻傷大義且
先烹子療飢腸滿釜火煮心肝熱一釜湯煎骨肉香寄
語肥甘當道者此時焉可復徵糧

郭志

陳秀汴梁人避紅巾亂徙居華亭三界址太祖召諸糧頭入見秀手足胼胝呼爲好百姓給帖一道內云有此帖者是我良民秀運糧至京店停張氏有女端重秀每抱之贈以刷絲布女後選爲仁宗后每問秀運糧來乎輒賜酒食正統閒里中建石梁秀方擊鼓集衆適有官長乘船至召秀問曰此處田地俱荒何故秀答曰田有官田民田民田五升起糧官田一石一斗起至九斗七斗五斗止太祖罪吳民不早歸順故以租額作糧額民俱遠竄若得減糧額便可招集流民官長領之令至察院具呈蓋卽周文襄也減糧實自此始

郭志

永樂中松江大水朝廷命通政使趙居任治水嘗登超果寺橋令居民插菱蘆水田中曰望青亦可也民不悟從之後皆據以起稅故有白水徵糧趙通政之謠

郭志

任勉之沒未葬里長張緝編其子宏爲本縣養馬夫教授張公知之言於太守上虞葉公冕葉歎曰有是乎卽令歸治喪不須復入退而大書揭之通衢云今後均徭故官子孫一例優免任氏子孫至今能誦之

郭志

高南石爲諸生不得志入成均晚得鴻臚屬官非其好也退而爲澤於鄉姻族閭黨多貪其惠烏寇之後連遭災稷倡議設粥全活無算徐文曰爲首揆欲更定賦法以

甦民困公請創立官甲金錢漕粟皆令自輸而後里中
止督民戶不復以搢紳逋賦爲累至今便之

顧文僖雜記曰周文襄巡撫江南日濟農倉米歲常有二
十餘萬遇水旱輒奏請免糧以此補之民不知凶荒朝
廷不知有缺乏也又每歲正月十五夜更有文書來放
糧曰此是百姓納與朝廷餘贖數今還與百姓食用種
田秋閒又納朝廷稅也放米每戶率二石雖云抵斗還
官其實多不取先祖常言吾家一次領黃豆六石後升
合不曾追也又曰濟農倉積米之多近日士大夫多不
信予所記二事明之成化戊戌歲諸廩皆滿餘米無可

著處以七萬石寄積於水次西倉先君可聞公以老人
選差監守自戊戌至丁未凡十年始得放閒蓋所積既
多挨陳放支次第不及故也此事余所目見嘉靖甲申
操江伍松月都憲巡歷至松感舊賦詩有米粟陳陳歲
四億之句余見而問之曰詩舉成數其實三十七萬幾
千石蓋公常以常州推官承檄盤倉見此閒今空乏故
作此詩也余所見今四十有七年日月頗遠伍公盤糧
在宏治壬戌方二十三年耳此言如質之伍公亦弗信

也郭
志

神宗時均糧之議倡於徐侍御宗魯時巡撫林潤與徐交

契到松詢地方疾苦徐出一帖示之曰均糧拙議緣爾時官田民田賦額懸殊而巨室置產非五升糧田不售失業者多田去賦存逃亡四散里甲派賠名曰絕田滋害非小林欲行其議一時阻撓棘手乃上書江陵相國力陳利病江陵復札許以國法懲治議乃得行宿弊盡

革金山志

吾鄉在禹貢揚州之域田稱下下今乃賦居上上宜乎民窮極矣然天下之稱殷庶者猶首推焉雖曰習俗相沿亦地力之所出也意者芟荒懇蕪非復三代以前之舊乎就吾郡一府之田論之華婁青邑畝收三四鍾皆石

外起租其至一石五六斗者比比獨上海上田不過石
一二斗次則八九斗下至六斗起租耳崇禎中華青美
田每畝價值十餘兩上海田美者每畝價值三四五兩
縉紳富室最多不過數千畝無賤價之田亦無盈萬之
產也順治初米價騰踊人爭置產已賣之業加贖爭訟
連界之田挽謀構陳因而破家者有之因而起家者亦
有之華青石五六田每畝價十五六兩上海六七斗田
每畝價值三四兩不等田產之貴至此極矣厥後米價
漸平賦役日重田價漸減迨至康熙元二三年間石米
至五六錢而差役四出一僉賦長立刻破家里中小戶

有田三畝五畝者役及毫釐中人之產化爲烏有狡書
貪吏朋比作奸鬻蠹虎差追呼絡繹視南畝如畏途相
率以有田爲戒矣往往空書契券求送縉紳力拒堅卻
并歸大戶若將挽焉不得已委而去之逃避他鄉者中
產不值一文最美之業每畝所值不過三錢五錢而已
自均田均賦之法行而民心大定然而穀賤傷農流離
初復無暇問產于是有心計之家乘機廣收遂有一戶
而田連數萬畝次則三四五萬至一二萬者亦田產之
一變也是時數年之間豐歉不一米價亦不大昂然賦
役大非昔比故惟多田者多藏夫物盛而衰固其理也

昔人謂米價太昂則食于人者困米價太賤則食人者困惟田價亦然低昂貴賤之間於民命有深係焉者矣可不加之意哉

閱世編

荒年減價糶米其名甚美然在官有穀則可若以此禁民則人人閉糶求減而反增苟苛求積粟之家則奸民生心貽地方之禍矣崇禎辛巳夏旱米三兩一石某孝廉議抑米價方公岳貢以爲然六月朔聚議城隍廟方公欲減至二兩姜中翰雲龍請姑減五錢方公不許出還署于是游手數千羣往毀姜室劫其貲方公素威嚴聞變而至民亦不復畏遽還府遣練兵楊某出擒搶奪者

衆共毆殺之乃集隸卒民壯分護獄囚倉庫薄暮姜氏之貲既盡知縣李茹春從數十人佩刀而出步行諭之始散去明日知縣復出西門封民間倉廩游獵復羣隨之又掠取民家陸姓米奸民至肆中輒曰官已減價爾何不賤賣遂皆罷市蜩沸者數日後訪首惡三四人撫軍檄令梟斬皆就獄中殺之不顯棄于市

郭志

學校志拾遺

元翰林學士高公智耀嘗奏崇學校正儒者戶籍免徭役後學宮皆像而祠之知府張之翰爲之贊其略曰國朝儒者自戊戌選試後數十年間前輩少而後學多所在

不務存恤往往混爲編氓至於奉一札十行之書崇學
校獎秀藝正戶籍免徭役學士高公奏陳之力也聞者
孰不起敬至元癸巳之翰由翰林知松江見公遺像於
廟學之西南隅時木版零落丹青黯淡殆不可復識乃
命工繪而新之俾學者知公之有力於吾儒者若此歲
時香火其可闕乎公河西人諱智耀官至翰林學士奉
議大夫敝歷中外善政非一姑書大者爲之贊曰公生
西夏遭際聖元力扶吾道名振中原致位內相垂裕後
昆德日益彰身日益尊畫像雲間在泮之坤香火勿墜
埃塵莫昏百千年兮不亡者存

王西亭給事修青浦志議云鄉賢之祀子孫仕宦素封皆
濫舉其祖若父廁於其中若名德頊彥不獲舉者甚多
在他郡邑雖或有冒濫未有若吾邑叢雜可恥之甚也
五十年以來始自一二搢紳追崇其祖父嗣後富人咸
營謀濫入纍纍若若似非此不足以申其孝思者遂至
販夫賤品目不識丁之人皆攘袂而起摩肩而至爲可
痛也蓋祀於鄉者以名德文章政績節孝爲重四者有
其一二而後可以議舉若鄉里之善人不足以言德也
風雲月露之文科舉抄撮之業不足以言學也出仕而
但知墮斷駿削持祿養交或鄙穢封殖以肥家者不足

以言政也邂逅死於兵火運蹇終於沈淪修橋造廟隨
例賑施不足以言節言義也今天下高官膺仕任人之
擇處良田廣宅任人之買占利藪名場任人之居奇而
此冷淡之一席又必欲用勢用財以攘據之巽宮清闕
之地願爲藏垢納汙之區乎吾邑鄉賢自晉迄明應祀
典者惟衛涇之名德曹應符之節義顧英之政績張時
泰之文學數人爾其他不過文章博雅之士自明以降
毋論己如夏禮張烈之政績張翰凌巖衛富益杜英發
章夢賢章元澤張元澄顧從義之節義莊肅朱應祥曹
宗儒之文學稽之郡縣學顧皆不得與焉與而非賢祇

增其辱賢而不與不損其賢也

青浦志

唐開元中令天下州縣行鄉飲酒禮顧錫疇謂終綱目僅一見明洪武十六年頒鄉飲酒禮圖式萬歷三年以鄉飲賓多濫舉詔申飭提學官

國朝順治三年禮部頒行鄉飲禮圖式乾隆二年部議所舉人員開具事實履歷咨部備案二十五年部議直省鄉飲每年舉行二次於正月十五日十月初一日於儒學行禮茲攷前明所舉有楊世元沈仲謀林春朱同仁楊元道彭惠程良性張元輔以上金山志董容大董志學張掖張之象董賓大秦軫秦繕喬在修秦臻瑞董嘉相

董羽翔郭允陸河何三畏喬傑喬涇陸璧喬守義喬晨
顧允貞龔情顧從義倪淑陳理金璿黃一岳陸寅陸明

允朱永泰葉蕃春朱家聲邢儒杜秦杜士杜若芳

杜時中潘允達姚永豐

以上
海志

張仲山何鑿曹慧潘寔

潘可賢黃崇道潘可教王佐沈大章張延年李世允潘

廷揚張尙文陳一德葉家春尙忠諸慎胡交文任文

燿楊學時諸從禮沈季文錢周張邦燦諸人

以上青
浦志

國朝所舉者有王典徐爾鉉范空張驊許駿張魚吳欽章

姚可權陸慶臻范纘王玉滌洪洪

以上
婁志

楊際亨陸鏊沈

宏烈徐秉烈李堃徐光祖沈國臣

以上金
山志

顧瑞芝徐爾

路曹六韜曹六龍曹垂璨張永銓孫仕範劉浚之徐子

瞻張尙文王學諤陸起鳳沈大至張亨朱紹謨唐姚端

劉道深張之楨唐張萼王之傳蔡之笏何起泰沈璵陳

煒陸瀛齡朱之淇

以上上海志

葉承謨王銘顧文英張士麟

以上南匯志

諸舜臣孫日隆孫琮胡方啓周復祖席本久施

元亮吳紹夔瞿一淳任文炳潘衷暘胡九錫葉正暘吳

遵聖唐承元李淑蔡天槎諸懋敏程士亨張鳳皞胡達

孫琪諸宏諡諸人

以上青浦志

張廉憲仲謙松談記先達云

鄉飲有不可輕與者三請不從公則高節以爲恥偶非其類則賢者以爲辱酒不成禮則大賓以爲慢真名言

也

府學舊有射圃在學宮後明洪武三年知府林公慶始建
十二年知府鄧處善增葺王掇有記宣德九年督賦主
事李賢祐作觀德堂正統六年知府趙豫卽射圃作訓
導宅復地以益圃今廢俗譌曬布場

曬土音讀若庫
圃布音近也

華亭縣學射圃明洪武初知縣董原芳拓學東地建知縣
周朗始創屋爲射位後知縣祝子憲朱直相繼修廣作
觀德堂後圯十一年知縣蔣惠重修正統五年提學御
史彭勗闢射圃於學東隙地宏治八年知縣劉璇復射
圃於學之東錢惟善射圃記云聖天子龍飛之明年稽

古建學命立射圃學宮之旁華亭舊學燬於兵知縣董
侯原芳卽徐氏義塾爲縣學拓學東空地爲射圃按舊
志俱稱洪武三年知縣馮榮奉詔立學卽徐進義塾爲
之不云董原芳不知與記文何以異也

萬歷癸巳教授翁希賢請於府衛濬河重建文廟掘地得
聖像倒埋土中急禮而出之先是宏治間衛學登第者
絕少幾八十年自後科第不絕

金山
衛志

上海義民朱錦重修學宮時萬歷十九年辛卯也

國朝順治辛卯朱帖思錦舉於鄉己亥中會元六十年間
有兩朱錦而修學發科歲在辛卯其偶合與抑積善必

報後之朱其卽前之朱歟

上海志

國家

壽考作人老更修典下至郡邑學官多有年逾耄耄重逢
入泮之年者百數十年紀載無考唯青浦王蘭泉少寇
在籍家居重游泮水此外又有祁夢熊婁縣諸生李蒸
桂心堂鈕鴻竝上海縣諸生金章青浦諸生嘉慶丁丑
又有宋勉齋華亭縣學生年八十學院湯以藻毓耆英
額給之

武備志拾遺

吳石湖居北俞塘倭寇入犯時獨與七歲小蒼頭坐浩然

樓上讀書自若已而數倭闖入見壁閒有所畜蜜蜂一
房以刀擊之蜂擁其面倭驚仆草中已而羣倭皆共擊
蜂蜂盡出螫倭而目臃腫俱相戒不敢犯以此浩然得
獨存而東西五里餘俱免焚劫石湖有蜂園逐寇歌郭
宋錦莊乾天民先生子也篤行長者當倭亂時舉家奔避
公辭墓乃去又蹇於行被執賊握其手卷然知非常人
求貨公指灰中積賊昇之得十箱驚喜過望至鹽鐵港
與之羽箭囑曰遇我國人第語之曰古馬帝東則無害
已而數遇賊語之果免歸置箭於門賊不敢入錦莊弟
名坤其夫人唐氏讀書有智識將避寇義興遺羊豬數

頭雞梟倍之并置宿釀留網罟焉賊至灌從降人以酒
無恙咸大喜乃割鮮罾魚而飲舉刀刻其堂西北柱作
劍形長尺咫自是賊入堂中見柱上刻輒引去故宋氏
兩居皆獲全或言刻柱者卽徐海也

南吳
舊話

嘉靖乙卯七月倭犯周浦知府方廉遣謀毒賊巢中并死
者千人丐者穆一郎與朱夫力也一郎以五色粉墨塗
面漆身爲癘行乞賊中因盡知賊衆寡所在以聞於官
又與朱夫懷毒夜納井中賊飲井水輒墜目不能語土
人通賊者告賊飲於河故中毒不甚深然亦多死焉又
張二郎者善泅伏水中能十日不食竝趨捷善走死地

甲寅應募調賊數從水中鑿沈賊舟時偵其情形且斬
倭首以獻予之銀牌不受勞以酒肉則受賊平論功應
世襲百戶加以章服妻以妓女皆辭行乞如初後方守
開府江南訪得之寺中伽藍祠下使領所犒金終笑不
受與飲食欣然謝而去竟莫解其誰何人

倭寇
志略

嘉靖乙卯徵瓦氏兵至有司以蛇犬供軍中朱察卿詩有
云帳前豎子金刀薄閩外將軍寶髻斜田父誅茅因縛
犬乞兒眠草爲尋蛇

邦志

顧可大去縣四五里而居當倭亂時驅數婦而前計欲脫
之故持鋤舞弄倭棄婦而即可大婦遂得逸而可大與

一少年則被執矣可大謂倭此年少有母吾亦有妻子
幸見捨作乞哀狀倭釋之可大卽國籍父後贈中憲大

夫

五章
志逸

華錦上海人徐太史子充云幼時常識其人自言受胡少
保命謀徐海事甚悉當是時有周贊畫周述學者爲胡
公謀遣使說徐海歸順而華錦往陰結其兩侍女令說
海後海尋悔欲殺錦而錦以談笑利辯得脫

張廉倭
變志

順治初白腰黨餘賊劫掠鎮市呂巷郭中涯范來良平日
仗義膽決結生死交及賊至鎮二人率先捍禦身被重
創翼日來良死宗涯亦死里人衣之

金山
志

康熙七年邑人兵部主事張宸疏言客兵之累請酌歸原伍其略曰我

朝經制綠旗官兵各有原守汛地自山寇海寇不時竊發因而抽調各兵移緩就急乃事平後竟有遷延不歸者夫久駐之兵當其初設必爲豫置營房與民隔別若暫時徵調勢不得不出民房以居之奉壺殮以食之代其樵牧供其使令謂事平卽去暫勞永逸耳迨至日久暫出之房竟久據矣暫進之食爲常供矣暫時之樵牧役使且奴僕犬馬之矣頃臣假歸聞擊江寧省會現兵止二千五百餘名上海斗大一城反有三千餘名夫上海

外有吳松重兵內有提督重兵故順治十八年以前海賊甚熾之時從無客兵之累自江寧賊敗後督臣過處調集諸兵謂之水師數年來優游城市未嘗登舟一試亦未經題明防汛何處毫無責成徒爲民累乞

敕部行查盡數撤回仍不許拆毀民房沿途騷擾庶一兵有一兵之用而民亦不受冗兵之害

上海志

職官表拾遺

唐文宗時進士曹叡授華亭令秋滿將歸買宅吳中

見乾
顯子

唐石幢在華亭縣前載大中十三年八月二十八日奉

郎錄事參軍李嵩權縣事李璩等名可補官之缺

朱顯忠如皋人元末嘗爲張士誠守松江丙午冬俞通海
兵臨太倉崑山嘉定顯忠知天命有在以城降後守交
州死節贈鎮國將軍見忠臣錄而統志則繫於揚州按
舊志丙午松江知府王立中則所謂守松江者乃閩帥
之寄也

滋故
速

名宦傳拾遺

宋顧琛字宏璋吳郡人晉司空和之曾孫孝建元年拜寧
朔將軍吳郡太守以起義功封永新縣五等侯吳縣令
張闔坐居母喪無禮下廷尉錢唐令沈文秀判劾違謬
應坐被彈琛宣言於衆闔被劾之始屢相申明又云當

啓文秀留縣世祖聞之大怒謂琛賣惡歸上免官廢帝
卽位復爲吳郡太守琛本郡人再爲郡守移其家於婁

地

陳志

唐孫發字百篇台州人初授華亭尉方千贈之以詩曰御
題百首思縱橫半日工夫舉世名羽翼便從吟處出珠
璣續向筆端生莫嫌黃綬官資少必料青雲道巷平才
子風流復年少無愁高臥不公卿又贈百篇詩云聖代
科名酬志業山川秀色助神機梅眞入仕提雄筆阮瑤
從軍著綵衣晝寢不知山積雪春游應趁夜潮歸相思
莫訝音書絕鳥去猶須累日飛

郭志

宋郎中楊修天聖中爲長溪令忽夢作詩日月塵埃錢數
甚微不知從宦幾時歸東吳一片輕波在欲問何人買
釣磯意甚異之明道初爲華亭令丁內艱遂家吳中樂
其土風安之因悟夢中語嘗效白樂天作我愛姑蘇好
十章又作姑蘇百題詩行於世

劉達夫字宜子侯官人隱居北山崇寧中舉遺逸有司以
達夫應詔授松江簿司馬溫公有送華亭劉主簿詩云
執袂青門道蕭蕭馬欲東暮雲零落翠遠樹淺深紅楚
澤吟聲裏吳山醉眼中相思杳何許野鶴唳高風見福

州志

岳珂彰德人飛季子霖之子也嘉定閒守嘉興有惠政循行華邑谷水村民數十人遇於途遮道問曰是何官長或告之岳姓村民曰是官姓希必我郡主也爭以酒食郊迎珂慰諭而遣之

陳志

趙與訔字仲父秀安王五世孫寓籍歸安以父廕調饒州司戶參軍除改浙西提刑司幹辦公事淳祐十年知嘉興府知監稅華亭楊瑾之賢辟置幕下抄掌園田事好不能欺楊卒爲賢令有聲於時又從楊令之請留米五千石於華亭建置義倉萬民悅而思之歷官戶部侍郎知臨安府浙西安招使卒於官子八人六曰益頰禮部

侍郎劉振孫誅曰與嘗於時爲循吏於朝爲名臣於國
爲信厚公族世以爲知言

趙松雪集

單慶至元中爲嘉興府經歷延郡博士徐碩輯至元嘉禾
志三十二卷當時松郡掌故賴其載入近日鈔本惜多

譌脫云

嘉興府志

至正十年詔免水深長蕩無徵租額時知府某惑於曹屬
之言持以助役可償不式君命又嘗閱安濟院所養鰥
寡憚獨老癯之民黜汰孔多殍死幾盡一日知府升堂
遽起如閣面牆叉手跪若有責者亟與入內卒

郭志

瞿智字惠夫婁江人青龍鎮學教諭博學能詩畫蘭以書

法鉤勒人妙品累遷文學官攝紹興錄判

青浦志

明文原吉官治書侍御史洪武二年巡按謝恕按治松江欺隱官租逮繫一百九十餘人至京師多稱冤者原吉等以聞太祖召數人廷問之悉得其情乃責恕曰御史耳目之官當與民辨是非明曲直不使冤抑方爲稱職今爾爲御史不能爲民理枉反陷民無辜朝廷耳目將何賴邪於是盡釋其人命下恕更原吉等賜綵幣有差

郭志

擊壤歌民樂有賢令也姑緝麻婦紡花丁男在田女在家吏卒不下鄉官無橫科差老翁弄兒孫逐影向壁擊東

鄰酒西鄰茶從朝至暮笑呀呀布穀昨夜鳴村村補桑
麻不違農作時今年落秧早愛民如子縣令心無事擾
民如此好夫插秧妻采桑農事已興驚事忙大麥葦葦
秀小麥葦葦長菜花半稀青間黃今年縣官好民膏不
下鄉田家得安業出入無驚惶日力豈敢嬉夜共燈燭
光催了機上布便是囊中糧飢寒庶可免逋負亦可償
不患心頭剗新肉只要眼前醫舊瘡此歌董良史所作
不知賢令謂誰然明初松之吏稱民亦可想

滋故
述

華亭丞俞仲璣志逸其名獨見於清江集之霜林說且曰
仲璣早歲讀書積文有聲吳越聞其去而家於九峯也

人且以其抑鬱無聊不能終日乃以霜林爲況則知動心忍性懲其所已悔而益所不能矣仲獻會稽人蓋亦

因宦而居於松

松故述

魏文靖驥司教郡庠適袁忠徹至松郡守以下延問休咎皆未答直下堂握公手曰二品貴人也壽至百歲公後

至南冢宰壽九十八

松故述

李錦字在中咸寧人天順壬午鄉舉人太學爲邢祭酒讓所重令諸子受學所居僅蔽風雨至於屢空終無苟得周先生嘗難之曰有人親病劇思食一梨求諸市不得鄰人有之非竊不獲將竊之乎錦曰辱身以及其親非

孝也周歎曰在中可謂立身揚親者矣及任松江貳守
職親戎牒嚴補成伍奸無所售卒於官貧不能舉喪僚
友賻之乃得歸

郭志

劉字字志大鈞州人成化中知上海縣性剛毅才斷過人

芟強鋤梗邑境咸肅稱爲神君

陳志

隆慶壬申壽光張公燭知華亭縣各漕收頭餽羨金千餘
循故例也公悉籍其數報於兩臺請補別稅額臺使旌
之曰塵視千金今尙在公署退食堂

郭志

海忠介瑞撫吳意在搏擊豪強而兵備蔡國熙承高新鄭
意指首發難於徐文貞於是刁風特熾告訐無虛日或

投柳跖牒諷之海公殊自悔乃盡焚訟牒故老言此陸

莊簡光祖筆也

告狀人柳跖告爲世吞血產事極惡伯夷叔齊兄弟二人倚父孤竹君歷代豈

勢發掘許由墳冢被惡來告發惡又賄求嬖臣費仲得免今月日挽出惡兄柳下惠提跖籠禁孤竹水牛絕粟日夜痛加炮烙極刑偪獻首陽山薇田三百餘畝有契無交崇侯虎爲證切思武王至尊尙被叩馬羞辱何況

區區蝶蟻上告

青浦元夕舊少張燈屠公隆在縣多惠政民頗康阜市始有燈公乘月出游時錢午江師周年八十四赴鄉飲入縣信步訪之錢留小酌口占云一入花封地珠燈燦玉樓偶逢仙令坐疑宿古揚州酒罷同行街衢良久而別

青浦志

莆田鄭公維善令上海時廣立社學每出屏驛從聞市中
蒙童讀書必竝以聽有謬字卽令其師改正試之對偶
有穎敏者命取紙筆賞之至今父老猶傳其事

上海志

嘉靖至萬歷中歷宦吾郡長於詞翰者郡守則熊軫峯字
劄沂東存德喻楓谷均許繩齋維新莊赤維毓慶郡丞
靳兩城學顏馮少洲惟訥司理則黃翠巖洪崑吳悟齋
時來陳楚石懋觀范岫雲守已令則華亭楊臚山瑞雲
熊際華劄化上海鄭思齋雜書青浦屠赤水隆王遂東
思任郡博則程南樓燭邑博則華亭陳貞亭師上海徐
徹弦常吉而擅臨池者熊劉喻許楊王程及賈春容待

問部

志

劉本學彬州人以舉人任常州通判丙辰來署上海值倭寇猝至萬眾攻圍本學與士大夫合謀守禦出官帑二千金備犒賞人爭用命城賴以全

陳志

郝宇字子育宜賓人由鄉薦以州守任松江海防同知兩署邑篆一代親一以入賀行甘勵苦節而和惠近人常偃竹刑幾不復用有新進諸生入謁偶見裏服有衣絨者曰吾爲大夫不敢用乃貧儒服之邪松俗日奢而耗由此故耳後卒於官

陳志

國朝

馬逢知之爲提督也恣行殺戮其婢妾小有過失以大桶立其中而倒置之房闔閉繫數不一也飭郡人新其城而書保甲長姓氏於其上後以通海事發逮至京嚴訊之則答以郡百姓之意謂創新城迎新主其姓氏尙在可核也

世祖令滿洲大臣會同督撫驗之良然卽傳梁總鎮化鳳選兵三千於日暮屠城梁總鎮語知府郭公起鳳曰昔馬提鎮欲保甲長書姓名時曾以曉示懸諸四門今城中必有藏此者若訪而得之以呈督撫則事可解矣因徧傳城中有裝潢家篋內偶存此乃自縛銜刀具陳本

末而滿洲大臣猶未敢釋總制郎公力爭曰既有此示
尙當面

聖候

旨宜擅殺因奏請得全當時大僚與仁賢太守固郡人

所當尸祝者矣

見聞
龐記

王將軍永譽三韓世家也年二十七鎮松江性恬雅不
尙勢燄喜詩能書恂恂如儒生每出行屏騶從僅一馬
二卒遇者不知爲大將軍也古稱羊叔子輕裘緩帶周
左率執筆賦詩將軍殆兼之矣在郡二年兵民安之

贊
筆

上海未設駐防游擊時有黃浦營都司黃某福建人孝
母至孝北門潘氏丙舍種梅數十株每花時必奉其母
游賞數次母年八十餘黃躬自抱負登堂捧觴上壽向
晚則策騎導輿而歸

憑城備考

魏球令青邑解任時百姓哀留設餞脫鞵者盈市又築
宅居之名曰青山棠院華亭人吳章徧鈔衢巷綵亭聯
額并收郡邑詩歌彙梓有去思深口碑錄道情五更歌

青浦志

會稽魯公超守郡九年創建書院接引後進風流文采
士風爲之一變

朝廷知其能一歲再遷而去繼之者爲朱公雯字喬三雅

善詩文案牘之暇不廢游覽與名流選勝載酒分韻賦

詩蘇白遺風庶幾不墜

蘇蘇
贊筆

施鴻字則威侯官人青浦縣丞著史測如干卷嘗以部
運至京師謁尙書王士正論南北朝事靡靡可聽士正

雅器之

青浦
志

黃元峻海澄人康熙二年授華亭簿建衙署府南卽陶
冰修棠溪舊宅嘗招盧茂才元昌飲故元昌詩有回首
棠溪往事賒春宵三徑一停車句

淑芳齋
詩話

萊陽趙闡仙崙康熙壬戌癸亥任江南學道松郡庠有

頌言一冊知府魯謙庵序曰松自奏銷望誤減科舉及童子額數皆有勢力者得之單門寒賤率不得與公屏絕苞苴禁止竿牘歲科得士類皆孤仄郡學之士作爲詩歌以揚休美彙爲一冊付之梓人云今欲求原冊不可得見而太常五世孫明府曾攜有藏本出示因得想當年政績多士傾心并以見其家裕後承先世澤久遠

也

松江詩鈔

婁令李遇陞豐城人康熙三十五年任嘗以詩課士題爲雨中春樹萬人家取朱霞第一府學則張析王湛華亭則衛錫瓚韓應昌婁則張文授王柱朱棟劉鼎金山

衛則王鈞諸人因刻婁江詩課其留心風雅如此

松江詩鈔

熊會珍字公玉以武學生入粟爲上海尉府吏有事於
縣狎尉而倨會珍怒笞三十吏訴府府以爲癩會奉檄
禽松江盜攔江網者巡道王雲銘約游擊某用兵會珍
曰不須兵挾兩役直入盜藪呼曰熊少公來盜數百環
弓矢待會珍獵纓坐哨曰汝等猶夢夢邪昨巡道欲勦
汝無噍類尉雖微官慈不忍不教而殺故來曉譬汝肯
以一巨魁從我者我代求輕法餘取一改過者結狀了
事何如皆泣下曰惟命次日牽攔江網入城王與游擊
大奇之共薦署丹陽尉後累官至徐州府知府

袁太史文集

選舉表拾遺

吳孫權嘉陸遜功德欲殊顯之雖爲上將軍列侯猶欲令
歷本州舉命乃使揚州牧呂範就辟別駕從事舉茂才
黃武七年曹休舉衆入皖權假遜黃鉞爲大都督親執
鞭以見之陸機爲遜銘曰假公黃鉞統御六師及中軍
禁衛而攝行王事主上執鞭百司屈膝郭志

唐貞元中陸贄知貢舉試明水賦御溝柳詩得韓愈歐陽
詹賈稜陳羽等同榜皆天下偉傑之士號龍虎榜陳志

宋鄭聞游學華亭與錢良臣同舍紹興閒魁南省後與錢
竝參大政嘗題名於學之達材齋後人以碧紗籠之爲

一時盛事

陳志

明永樂十八年特選人材十三人並授方面而華亭七人馬麟周恂孫豫奚景周江潤皆布政使吳衡陸勉皆參政相傳成祖夜夢十三人共扶一殿柱又一馬徧身生鱗明日引見數既合而麟其首名大悅故有是命

顧志

衛文節公涇本華亭人生於蕭塘後以崑山貫及第宋時華亭學有狀元坊爲涇立也景泰間知府葉冕爲重建於豐樂橋下題其柱曰九重華選魁多士千古清風啓後人以風勵後進宏治己酉西門火延燎及坊市人譁曰燒卻假狀元出真狀元矣明年錢福果以會元魁天

下郭志

景泰中有以進士第二人入翰林者頗自矜炫後因歸省東海先生作文贈之其略曰昔司馬相如拜中郎將歸蜀太守郊迎縣令負弩矢先驅鄙人榮之沂公王曾及第歸青州郡守軍帥率父老具樂郊迎公乃從閒道入謁不敢當禮論士者不必究其始終於一端窺之亦可知其成就矣近時以僥倖一得往往效相如所爲以誇耀市井吾嘗竊嘆之今君賜告歸省吾雲閒之仕於朝者道衣錦之榮備矣予妄以沂公之事望之亦挽流俗之一機也前輩直諒之風猶可想見

滋故述

嘉靖乙卯順天鄉試題仁以爲己任次必得其名二句司
禮巨璫持主考甚急宣言於朝曰仁以爲己任下不知
是何語徐文貞曰卽必得其名必得其壽松事叢說

潘恭定公八表同年嘉興吳公默泉華亭徐文貞公年俱
望八相約往賀不欲入城恭定乃卽西門外建堂三楹

款之顏曰三壽

五茸志逸

萬歷中唐文恪董文敏徐文定張瀛海以誠黃穀城體仁
以名宿不利場屋入北雍得雋文恪以范太學允觀助
貲文敏則范太學爾孚穀城則許仰亭邑侯及舉博鄒
君當道憐才與友朋厚誼令人慨想郭志

萬歷丙戌唐文恪大魁天下而青浦顧振宇鳳翔登武進
士榜第一有司欲建文武狀元坊文恪公辭之是歲杜
孺懷時騰以石埭掌教與子宗彝孫士全同試禮闈郭志
萬歷丁酉上海徐文定領解順天青浦呂克孝領解南畿
甲辰進士入翰林者文定與張侗初鯁姚岱芝士慎共
三人皆盛事也

徐文貞公年二十一嘉靖癸未探花及第壽八十一及見
後癸未進士陸文定公嘉靖辛丑會元壽九十七及見
後辛丑進士姚方伯永濟萬歷戊戌登第壽九十八亦

及見順治戊戌進士

峯柳疏
秀編

舊入學之額每邑凡數十人徼幸者多故歲試劣等其數與優等相去不遠

國初猶仍其舊自漣糧與獄庠序一空後府學定以二十名大縣十五名中縣十二名進者既希黜者亦少康熙十三年三藩叛亂軍需孔亟始有捐納之例然所行僅兩歲一科旋以蕩平停止甲子後

聖駕南巡見弦誦者多

諭增入學之額浙江會議府學及大縣各增五名中學各增四名著爲令於是官牆之內彬彬乎復舊觀矣

見閩廡記

國初上海潘衫黼字維符以明經任寶應教諭以漣糧案

被黜歲戊午復以長篇首名入學年已七十餘後累試前列志不少衰每袖一編循行阡陌倦卽於澤畔少憩出其文讀之一日偶過某人齋某素不相識然耳其名因烹佳茗飲之日將暮家人迹至促之歸則應曰此地儘佳何爲復他適其忘機如此後海寧許時庵文宗歲試憫其老也爲作獎語給以衣頂雅非其意又六七年

始卒

見聞
龐記

湯西崖右曾有酬潘廣文匡主見貽四首大雅委荆榛斯人久寥落吾生苦不早心迹長寂寞窮年抱遺經微尚夙有託誰能導其源浩浩觀海若海上有君子身老道

益尊讀書七十年細大悉討論檀弓言物始讀學百不

存歎息耳食子焉能窺籬藩忠義在天下皎若行白日

卓哉三四公

廣文昔與幾社陳夏及吾鄉陸陳諸公游

事載史臣筆君今老

書生奮袖談一一行成稗官錄用以補闕逸我昔游吳

中竊窺一語妙

廣文以事落職今復爲諸生

今茲淮南路半面接言

笑晚將零落意託契到年少張斐彼何人往事重憑弔

懷清堂集

王文恭公康熙癸卯領鄉薦至雍正癸卯松郡計偕入京
時文恭公在政府邀集爲同鄉會讌飲極洽都人稱爲

盛事

金山志

康熙中王九齡爲禮部左侍郎兄瑱齡爲禮部右侍郎一

日

上問兩人孰爲兄弟具以實對

上曰兄弟不宜失序

御筆改瑱齡爲左侍郎作詩紀

恩云忝佐秩宗方八月新綸轉左出黃扉朝廷異數誠優

渥兄弟同官事更稀拜命隨肩依雁序坐衙聯袂似鶴

飛遭逢何幸傳佳話但愧才庸報答微

方景文
隨筆記

松江丙午孝廉金維寧戊辰會試初場交卷天尙未明於
明遠樓下遇沈繹堂先生問何以在此繹堂曰吾以生

平無過上帝命我爲文昌祿宰司科甲之職忽不見而
主考徐健庵先生夢見釋堂明日得其子宗敬卷遂中

式

述異記

康熙丙午我鄉南北榜各雋一人初有一錢一斤之謠後
乃知錢爲葆汾金爲德藩也閱百二十年乾隆丙午又
僅中張子白一人抑何巧合若此

淑芳齋詩話

康熙己未乾隆丙辰兩開鴻詞科周甲中祖孫應此選者
惟我郡王文恭公與其孫太守祖庚禾中竹垞翁與其
孫稻孫而已初文恭有接葉亭大宅堂額錫壽在爛麪
衲衲祖庚於癸未時恢復此宅宴同徵七人則劉相國

繩庵王廷尉晉川申光祿拂珊陳銀臺句山曹參議地
山錢宮庶孳石楊宮允妃山也劉相國詩云人閒盛事
傳衣鉢天上榮光燭斗台

漱芳齋詩話

松江府卷八十二終

松江府志

卷八十二

拾遺志

三